

PRIJEDLOG

Na osnovu člana 18. Statuta Općine Maglaj („Službene novine Općine Maglaj“ broj 8/07, 3/08 i 6/08), i Odluke Vlade FBiH o proglašenju nesreće uzrokovane pojavom koronavirusa broj: 408/20 od 16.03.2020. godine, Općinsko vijeće Općine Maglaj na sjednici održanoj dana _____ 2020. godine, d o n o s i

ODLUKU

o oslobađanju obaveze plaćanja dijela komunalne naknade, zakupa poslovnih prostora u vlasništvu Općine Maglaj, zakupa zemljišta za bašte i tende ugostiteljskih objekata i naknada za korištenje taxi stajališta, za fizička i pravna lica čiji je rad zabranjen naredbama Federalnog štaba civilne zaštite

Član 1.

Ova Odluka donosi se s ciljem ublažavanja posljedica epidemije izazvane koronavirusom, svim pravnim i fizičkim licima čiji je rad zabranjen naredbama Federalnog kriznog štaba, te pomoći privredi općine.

Član 2.

Oslobađaju se od plaćanja dijela komunalne naknade za 2020. godinu, sva fizička i pravna lica čiji je rad bio zabranjen zbog epidemije izazvane koronavirusom, u skladu sa naredbama donesenim od strane Federalnog kriznog štaba, a čije je sjedište u poslovnom prostoru koji je njihovo vlasništvo ili vlasništvo vlasnika firme, bez obzira da li je utvrđena obaveza plaćanja komunalne naknade firmi ili vlasniku poslovnog prostora, kao i fizička i pravna lica koja posluju u iznajmljenom poslovnom prostoru vlasništvo trećih lica a u ugovoru o zakupu im stoji da su obveznici plaćanja komunalne naknade, s tim da je ugovor potpisan prije proglašenja stanja epidemije izazvane koronavirusom.

Član 3.

Sva pravna i fizička lica iz člana 2. ove odluke oslobađaju se plaćanja dijela komunalne naknade za 2020. godinu kako slijedi:

- Pravna i fizička lica kojima je naredbama Federalnog štaba Civilne zaštite privremeno zabranjen rad u trajanju do 25 dana oslobođeni su obaveze plaćanja komunalne naknade za drugi kvartal 2020.godine (period april - juni),
- Pravna i fizička lica kojima je naredbama Federalnog štaba Civilne zaštite privremeno zabranjen rad u trajanju do 45 dana oslobođeni su obaveze plaćanja komunalne naknade za drugi i treći kvartal 2020.godine (period april - septembar),
- Pravna i fizička lica kojima je naredbama Federalnog štaba Civilne zaštite privremeno zabranjen rad preko 45 dana oslobođeni su obaveze plaćanja komunalne naknade za drugi, treći i četvrti kvartal 2020.godine (period april – decembar).

Član 4.

Pravnim i fizičkim licima iz člana 3. ove odluke, koja su uplatili u dijelu ili cijeli iznos komunalne naknade za 2020. godinu, uplaćena sredstva će biti uračunata kao akontacija za 2021. godinu u visini novčanih sredstava za koja su oslobođeni plaćanja komunalne naknade ovom odlukom.

Član 5.

Oslobađaju se od plaćanja zakupa poslovnih prostora vlasništvo Općine Maglaj, svi korisnici poslovnog prostora, počev od dana proglašenja nesreće uzrokovane pojavom koronavirusa (16.03.2020.) do kraja 2020. godine.

Član 6.

Oslobađaju se od plaćanja zakupa zemljišta za postavljanje ljetnih bašti i tendi ugostiteljski objekti, čiji je rad zabranjen naredbom Federalnog štaba CZ broj: 12-40-6-148-11/20 od 17.03.2020. godine do kraja 2020. godine.

I dalje ostaje obaveza podnošenja zahtjeva za korištenje ljetne bašte nadležnoj općinskoj službi, radi utvrđivanja urbanističko tehničkih uslova, u okviru kojeg rješenja će biti oslobođeni od plaćanja predviđenih naknada.

Član 7.

Oslobađaju se obveznici naknade za upotrebu taxi stajališta za 2020. godinu, utvrđene Odlukom o općinskim administrativnim taksama i tarifi općinskih administrativnih taksa („Službene novine općine Maglaj“ broj 02/19) kojim je bio zabranjen rad zbog epidemije, a ako su iste plaćene za tekuću godinu bit će oslobođeni za 2021. godinu.

Član 8.

Nadležne općinske službe će donijeti rješenja o oslobađanju od plaćanja naknada iz ove Odluke po službenoj dužnosti, a na osnovu spiska fizičkih i pravnih lica koji će biti objavljen na web stranici Općine Maglaj i na Oglasnoj ploči Općine Maglaj, osim za rješenja iz člana 6. ove odluke, koja će se raditi po zahtjevu zainteresovanih lica.

Na objavljeni spisak će se moći uložiti prigovor putem Pisarnice Općine Maglaj.

Član 9.

Ova Odluka stupa na snagu danom donošenja, bit će objavljena u Službenim novinama Općine Maglaj i vrijedi za 2020. godinu.

Broj:

Datum:

2020.godine

Predsjedavajuća OV

Svjetlana Zamboni

Obrazloženje

Pravni osnov za donošenje ove Odluke sadržan je u članu 18. Statuta Općine Maglaj („Službene novine Općine Maglaj“ broj 8/07, 3/08 i 6/08), i Odluci Vlade FBiH o proglašenju nesreće uzrokovane pojavom korona virusa broj: 408/20 od 16.03.2020. godine.

S tim u vezi Federalni štab civilne zaštite je donio niz naredbi o zabrani rada fizičkih i pravnih lica za određene djelatnosti.

U cilju pomoći u prevazilaženju problema izazvanog epidemijom koronavirusa ovim Prijedlogom Odluke bi se umanjile obaveze fizičkih i pravnih lica.

Zbog gore navedenog Služba je pripremila prijedlog Odluke i predlaže Općinskom vijeću da usvoji Prijedlog Odluke o oslobađanju obaveze plaćanja dijela komunalne naknade, zakupa poslovnih prostora u vlasništvu Općine Maglaj, zakupa zemljišta za bašte i tende ugostiteljskih objekata i naknada za korištenje taxi stajališta, za fizička i pravna lica čiji je rad zabranjen naredbama Federalnog štaba civilne zaštite.

Obrađivač:

Saračević Jasminka dipl.pravnik

Kontrolor.

Ćatić Nedžad dipl.ing.geodezije

Predlagač

Načelnik općine

Mirsad Mahmutagić

